

梅
花
草
堂
集

梅花草堂集卷之十五

吳郡 張大復 署 後學 周之軸 較

五言古

朱白民寫竹

嫋嫋凌霄竹臨江照江水朝暎媚顏色暮漱白石泓
顧影每自憐神情欲拔起世人貴豔冶蕭疎無知己
行行渭水濱遶此千叢綺鳳鳥鳴其巔琅琅聲貫耳
爾時心目開神來形自喜奮袂欲從之索筆呼薄紙
大地自假合吾亦貌吾以瑟瑟運斤風一枝挺而峙

勢歎摩蒼穹其長尺有咫二笋亭立低枝覆且視
一笋磴石生籜龍悴悴圯其餘三四枝葉葉垂空倚
俛仰各有會迎風笑不已自詫五指間能作此君史
回旋一室中命酒境塊礪何妨人不知正復賴有此
涼風四五月拂圖復隱几翠色雨空濛虛堂烟光紫
有客彭城來吾友髯朱子

拂水山房詩呈元初

泠泠清流水乃在山之岵陟絕邁天峰石怒水奔趨
倒飛一足練噴玉濺明珠不辨天上日但聽松風呼

呼已還湫流盤曲路阻迂俄聞曷玉聲淙淙入齋廚
大聲如無射雲天奏獨殊小聲如歌鐘四旋禹且于
中有醉龍眠忽起據高梧平生流水意恰與青山俱
援琴衆谷響廣陵散不孤慷慨隨僧飯母乃老曇瞿
我来看拂水與爾共跏趺

絕學

寵辱不到心偏與是非角相攻劇乃箭日夕搜墳索
縱了黑白緣夫乃迷大覺所以古至人無為在絕學
竹村

柳花正一箇集卷一五
卯行不知日夾道青琅玕逶迤谷上岍處處鳴哀鴻
途窮忽無際涼風六月寒春落桃花片秋來楓葉丹
點綴空濛色小鳥鬬羽翰南隣與北里開戶對晴巒
妻孥煖筍食羅列盛盤餐亦知此君貴誰言千畝寬
偶來得異境嘯咏奏清歡緬想王子猷綠水空漫漫
卸茂齋見示秋夜十絕賦此却寄

覽君秋夜咏始識賦家心思遂開雲遠筆符空黛侵
黃昏無限意向彼高山岑銀河瀉明月煉翠莽空林
心境自吞吐一往多情深指端出五字字字峭崎嶇

短章偏迴折自感還自吟長續剖雙鯉驚聞平始音
似披輞川画倏然洗塵襟世人賦筆管何如覺下琴
一彈時再鼓殺感機則暗又如永寧水梓來勢欲崩
拙師恥形似窪隆何足徵感茲二百言吾衰大雅陳
感事

山中有異人貌癯而膚沃擇地然後踊其行無却曲
問之何為爾大白不可辱世路曼嶮巖吾意尊吾足
臃腫獲天年還同春草綠

讀書

少年事強記所志在干祿讀書不_知書聊以求多蓄
譬彼操刀屠踰鎗噉良肉中歲解書理羞慚架上牘
夙心志幽討一篇多三復如群飲河渚隨量飲群腹
老來眼更明耳順從心欲縱橫各有會如探大寶積
顧視墻壁間往往琳琅觸始知書味長學人忌欲速
月下偶成

積水湍虛空轉愁天地濕嫦娥冷不眠老兔潺湲泣
攀磴躡秋旻廣寒風正急防呼吳質斤零亂桂花濕

夜立

夢眼貪看月庭前立到明細思群動理息息又生生
戢羽將翔意雲虫暗渡鳴天機似轉轂開揆動如驚
向晦人頌息時行吾所欽秋來常自怪老健尚多情

奉挽顧僧孺

夙雅久淪喪知音更幾人愷之得佳境交淡日以親
所嗟善不祐中歲長苦貧一朝隨物化懷寶等虛塵
吾衰詎能久見此增酸辛破琴謝子期流水竟誰陳

即事

簾旌搖春風銀蒜無時休夜冷不寐聽春吹南陌頭

大明開綠野群動自相謀漁子結絲罾田家理春牛
寒飈尚駛驟難為蔽黑裘林外求友聲關關動久愁
代書答張太守宗曉見致

使君勒五馬聞問急寒微械此明月光四壁生清輝
正月久陰驟晝夜雨霏霏衝泥來雙鯉可以慰調饑
生小愛名山何由入剡歸黃精苗堪把山雪故不稀
昔日香山老貧交曾解衣廣施大被願君意豈相違
寄桐

貧家父子性老去孝慈心縱閤吾何然此清詞可尋

無乃落魄時况復風雨侵吾性自踈豁家庭魚相臨
當汝在我傍何尤親服勤出門不千里江上羽如林
心旌忽搖搖筋骸難自任如鳥夜離離如雨淚淋淋
自揣此細念唯疾憂良深人事豈成敗遲速各知音
分定那可求所貴在席珍且如春正月氣暖鳴林禽
何為三旬外積雨天常陰一朝消煙霧杲日如黃金
使我豁心胸有如獲異琛丈夫故如此何愁升與沉
世眼自悠悠何知古與今江上看雲濤為我一長吟

秋日訪夏鍊師山中作

清旭升高林，洞門倚山閣。瑤枝滿地秋，松子紛紛落。
不見龍虎吟，踟躕數群鶴。仙家八月桃，爛熳繁花萼。
羅列瑪瑙盤，殷紅鸕鷀杓。羽童叩景鍾，景定甲子壽疎韻發。
寥廓碌碌塵土心，須臾為君削。竹堦猶在門，歸雲滿嵐壑。

感事三首

人情老始見，世事與年新。骨肉豈萍植，而無辭脫人。
所以陸賈輩，千載稱絕塵。數見恐不鮮，茲語良酸辛。
朝來東門道，犬豕競殘身。謀食意有餘，寧暇顧天真。

貫朽成何用束手遺其親

其二

乳虎初啞人磨牙狠五爪愁胡解講繅側翅攫睛腦
虎殘雖本性得勢疾如掃強肉兩相逢同類豈得保
我非閱世新嗟爾馴其道仇仇白屋生相憐復相好

其三

好醜惟心識古來有竊鈇市虎成三人慈母懼殺梭
所愧幽曠懷照之以虛無清渭忽默默良由浴魚鳧
安得中山守消沉一篋書乾坤自淡灤人事何區區

梅花草堂

卷十五

六

我將塞兩耳却聽更躊躇實恐九嶷山面面相符

奉京樊季常玉衡三十韵

諸樊名身秀孝友于弟弟季子又向眉風義風所敦

飄然薄南遊觀者擁里門爭傳眉目異有似我府尊

府尊指孝介先生堂令竟山從此識荊州白壁粟以溫把醉高陽

里許叔顯弟論心祇樹園西林雲矯矯幽曠懷峻極照乾

坤移粟眼朋知戊申崑山大水伐檀散璵璠嘗梓智

格言諸書千年漢樊畷鼓吹數部翻惟月兄桐鄉結念漑

其根始知手足外別有知己存維昔吏隱公公之父名之號

輪川有吏隱
錄行于世

蒼然古晏敦堂前奏壘荒堂後重蘭蓀

賢聖重述作家學本淵源鄙人素黠淺蟲測難具言

托根衆香裏目擊玄圃蕃一見借齒牙數問無寒暄

每歲遣使通書

神駒試鞭影

公之于元修常城問苑

漢水廣無垠

漢陽李愚

公介公定交

楚璞故自潤光輝賁丘崑

愚公之子應橘考介婿也亦來問苑

磊落蘄黃交寸心歆別論雖無廿瓜葛

公堂求婚于某豈為

推食忍

即前移

萬古一鍾期流水忽辭吞回首叩蒼宇

愁雲隔九關赤壁淡無氣金沙決潏渾昨憶剖雙鯉

歲丁巳公報書方答略血恐遂不復相見

撐衣淚潏潏還疑子所慎天道

梅花草堂集卷十五

七

故可憑歌蘭報日月

李愚公使

駭魄動精魂人生失肝膽

我道何艱也惆望蒼梧墓夜夜慘啼猿臨風拜楚侯

壬戌今再得仲叔手書

淩下進泉奔

惜別寄懷顧道民魚酬見致

三歲不相見告歸何倉卒把臂無數言意思亦慘戚

平生飛動態何事轉蕭瑟知君重素交伊人方荷後

顧所建謫戍鎮海

到處即青門仄期尚可及河梁煙霧裡爽

爽見顏色分袂欲輕舉恍惚猶三尺

通民爲驟長驅曳可現司之云

曾服藥

衰病仗金丹刀圭慰岑寂

奉贈張九服峽十五韵

麟鳳不虛來久之識其因蘭蕙發幽芳終為大國珍
世人矜名實或以雕天真有作終不至小售亦蒙塵
公子揮大鈞三年無所親海水忽震盪白波挾錦鱗
羅浮領衆香雨霰妬陽春一朝開顏色桃李詎可鄰
誰謂梅花老徒驚天地心我宗碧玉枝根原月上身
起潛志生少時北也綠煙散五彩照水光潏潏相傳眉目異精
衛絕有姝陽和秦春令雲雷解鬱屯大人須虎變御
氣吐經綸揮手謝流輩予豈尋常人

坐月

春夜月溶溶峭寒掃輕壁片雲點青天縹粉沉琥珀
光落小銀杯綠烟透虛白翻翻竹影耿耿留踪跡
無能濕太清樓鷗啼曉色

送方海寧介父下莖

五十不稱天令尹官已尊君行復何恨况乃多兒孫
憶昔新瀆里杏花紅滿園方氏有杏
花書屋書轂出茅屋雞
犬夾路喧茲來將素車憑軾睇高原白楊何蕭索雲
暗岸啼猿唯有江頭鼓彭彭引旄翻村民暉津語五

世澤猶存

季弘書到誇我餘杭道中所見賦此答贈

李白遊天姥夢着謝公屐身躡青雲梯汗漫周無極
丈夫豁達觀神識唯旰役而况親躋攀長抱山水癖
龔生好冥搜濟勝具難匹胡盧燕趙間芒屨適叩鑿
南遊觀禹穴倒影登大滌因茲洗塵襟天柱亦咫尺
六花正飄揚浩蕩誰能域叅差巖壑平積翠洗顏色
興人才子迷恐墜龍蛇窟超然會壯觀飛書飽副墨
嗟我僂蹠涉煙霞是朝夕一夜夢吳越屋梁落月白

贈君婆羅花初夏慎無失

昌化縣有婆羅樹一株

寒食取道過西寺抵暮歸志感

節冷雲顏墮草烟亦不流
弱絲垂晴枝黃金買碧油
紆徑上高原云是古時丘
不聞丘中琴潭水空悠悠
介子去已遠白骨無人收
沉嘆入蕭寺呼雨喧鳴鳩
衆鳥壘舊巢雄雉聲啾啾
人生意有餘速朽復何求
芳名千載事遠者齊浮漚
魯公自刺促揮戈豈長謀
吾欲營丹沙歸衆未易儔
布衣觀春生聊以充淹留
前軒顏返照亦已焉歸休

雲安栽菊數花移置息庵中夜酌十六物

松關常不掃閒護半庭花之子有佳思辛勤拔蓬麻
手植東籬種莖莖發紫芽五月除菊牛七月培泥沙
秋風忽西來吹綻駢生葩刪繁去蕪穢編荆防倒斜
花亦解人意凌霜傲窓紗玉_華簇金英弱條當風遮
置之秋燈下壁影韻交加嫣然成獨笑狂歌泛流霞
一物言成功苦心孰云賒笑問家季鷹尊鱸未足誇

雨過

奔雷西北來飛雨忽如絲竹簟已生涼清風愜吾私

兩過見返照奇峰美多姿自謂羲皇人營營空爾為

移菊八韵

移菊列前楹酌酒聊自傲嘉種不問名地寒凜霜操
中有瓊玉紅微霞淡雪貌其餘碎剪金枝枝羅隈隩
欲採不滿袖未忍漫簪帽月下對幽人足用愜吾好
餘瀝散花丁一筴相慰勞

張薛昌見招

平生無飲性耻與流俗親北城路雖遙屐齒不遂巡
吾愛張季子迥然出風塵徑開來二仲榻下宛徐陳

高山素所仰七葉詔驚人孰云決夕歡所宗貴游隣
山南十月交風氣暖如春雲光紛几席秋物羅鮮新
盪胸高論發一一長精神庶遂爾汝遊微尚可長伸
上元日曉發橫塘

雲樹曉蒼蒼雞鳴問橫渡亂逐趙閑人顏猗望煙霧
胥濤靜不驚雨意塞前路漫憶中秋陰燈市不可過
轉眸見簑笠川原失其故風脚雜西東晦明變更互
回首憶故山花前弄嬰孺佳節差強人聊用慰遲春
次葉長公見贈

驚蹇怯千里誰識咸陽道歷塊蹶康莊猶然沒泥淖
豈不心自憐何以謝同好感激歌繞梁聊以舒懷抱
種秫詠糟丘養魚媚盆沼之子葛屨屨岸幘顧我笑
離棘誰弭人擺脫自遠眺蕩胸七澤觀九州亦孤島
願言騎長風與子成二老

依韵答張士登相期看菊

豈歆荒三徑心慵手自栽仲蔚秋興發離菊無纖埃
白雪映黃金誰容蒿與萊小軒暝色動明月自東來
之子有好懷抱甕當軒開持螯餐落英採頤仰深杯

菊後更無花不飲令心衰

夕背

夕背獻天子野人亦美芹區區固已踈樂哉慙我心
南牕一庭日濁酒頻自斟膚膈熏然醉天機動微吟
君看羅綺者華屋鎖重陰

出門

杜門不浪出風日故宜人興來看殿去倚僕玩山春
翠壁含雲細枯槎染黛新遊人爭戲馬絲騎逐驚塵
逢迎非吾道揮手任天真

八
月四日同子貽冲善令舍履仲集懶雲閣分

深字

思光居舟屋乃是祗樹林飛閣方丈竹木亦蕭森
鑿牖來北風解帶披煩襟時鳴五色鳥松根長茯苓
我與二三子日夕來相尋飲酒縱歡噉轍跡遂已深
涼秋七掬月神往足不禁大響奏笙鏞擊缶亦成音
風露襲生衣高城急暮砧

秋吟

井梧棲螢火葉落風飄揚所托甚危殆不順厦宇囊

處囊亦似可爲得游無方終存腐草性觀爰順微霜
九日登山趨周履仲成約分菊字

晨起望南山山氣何清穆天宇垂錦幕江風改春綠
絳葉酣微霜照耀黃金菊自愛陶淵明把坐盃一掬
何處載酒人令節相催促振衣急從之櫟枝飄桂粟
杯巡瀉往來稻蟹亦芳郁醉飽共歡娛乘興豁心目
納履尋野陰杖藜倚僮僕黍稌紛充場寒花繞陵麓
澗流荅語笑于馬動絲竹已入霾雲磴高峰向面直
捫蘿歷層崗崔嵬古天竺清磬洗塵勞顏倚休林屋

木末看花人蠕蠕競踏斃節物催四序陰陽剖寒燠
破帽戀白首年年走麋鹿曠蕩盍朋讐吾道豈羈束
行過金山寄懷存連湛生二開士

我無行役事不到妙高臺浮玉自繁空長風吹去來

秋波容易老

存連詩萬里秋風波易老

菴竹倚天栽

湛生常服中冷水洗竹

悵望情何極叩舷歌莫哀

夜寒對酒

春半怨初寒嶮峭無伸縮偃倭步不前手足如桎梏
披絮襲羊裘肌膚蒙紕粟歸童折紅梅

東坡再宿

厭訝

時局天地不信令人情感耳目深鑪藝山新派寧沃
鼠腹臟腑若融通形神始得渡乃知遲暮人別有筋
骸束寒暑不能侵豈無古先蜀青城藏玉書願叩金
函櫝

山中

霽色歛陰寒春山風亦好柳條輕漏洩拂拂群木杪

憑軾問仙宮紛拏事營造

呂相行店
李氏新建

坡陀淨茅屋瀟

洒浸孤島

周氏墓
傍兩舍

嘆息山中人足以舒吾抱目遊興

轉幽徒步阻行潦拄杖上崇岡新松跡如掃

萬曆初
栽故云

新纍纍古時丘半就牛羊道中有五鬣封穹碑卧荒

草井用汝先生墓淹留心自付百歲誰能保人事代興廢傷

神奈哀老輕颺吹涕淚白日光皓皓

子規

杜鵑故有巢杜詩號枝窠葉樹木中寄子亦非實誰言養雛吾

愛杜陵詩豈惟驚人癖頻來似老烏夫乃其毛質窠

伏叢篠間吐音淒以急出林復入林倉皇太唐突望

帝客江南驚看如蜀日昔人曾再拜無敢泥其職我

常再拜重是古帝魂肝恨血痕深令人重紆鬱

王世周先生詠

鴻飛入清冥宇宙空寥廓雲路杳難攀羽儀留述作

公有白虹集二十卷

我思大雅彥明哲興有托土木其形骸有

印章云

龍章匪雕鑿譬如飡霞樓李白動仙樂鳶鳳嘈

然鳴錦袍光錯落浩歌追正始六義凜如昨片雪點
青天稜層太華削冥搜入飛動交際渾忘却形就不
知疲神來足如矍流連花底筇游衍鷗鷺杓嘯傲凌
蒼烟淵淵蕩蕩海若脫身雲霧顛誰復矍矍繳真隱泥
市朝并收期勿幕適去夫子順客星夜蕭索依稀少

微君紅罰馭白鶴

公陸地時
毋夢云云

初七夜月

秋月如春花將來容目異
昨宵魄再生宿羽半輪翠
眉目乍窺人風露飄香至
還恐天河闊蚊蟻易失墜
登樓尚可見庭際終憔悴
想像漢家營張方有深意

感月

積水當堂牖天清空霧溼
周行庭墉間荇菜殊可拾
開戶風悄悄寒蛩滿地泣
羣鴈一屋臥四首萬感集
立廟邈皇古穆顯事如昔
每年清夜遊蕭鼓述晨夕

豚蹄甕缶交歌振清冥薄降割始戊申魚蝦豕同席
芼苒又浹歲無端米糞塞連巷機杼空野浮累千億
從此邑蕭條光陰等虛擲况復金鼓振遼陽恣叵測
政弛議論煩點行遍阡陌殊來兆有年棲畝好消息
說飯未及飽里閭尚惓惓涼月照老身歡娛免荷受

清夫

浮雲遊太清見者以為佳點綴即有適外我心所懷
何日秋旭升千里無塵埃一片青霞幕長風不可却

題夢

老友何晴峰風流自賞能寫春工在唐六如
仇十洲之間故嘗聞其多愛不聞有侍者山
秀也平生亦不識其子鬚髯何似晴峰死久
矣面亦難得夢中見一人風塵憔悴疑是何
子呼與語問何身後事甚悉更問其侍者云
何答曰山秀而子爾時胸中亦便有山秀容
目飛動可念問答間與其人歷市橋吾鄉半
山橋也高廣可數倍都有長廊飛軒過懸高
房山米南宮董鹵趙穢之筆金碧輝煌可半

里許每岑絕處輒有白衣人挽予而上亦若
有花燈掩映如上元時愈上徑愈寂境迷不
知所從出忽聞梵磬唱垂嚴字母遂覺天啟

辛酉正月廿六日

平生恨情多本性無機巧迢迢卽卽路奇幻恣幽討
何物塵埃面附我問故老無想忽成因從因想更好
信知小川秀粉黛抄本少十載盡春工神來落筆早
咄哉偃鼠腹豁疑何微眇指點白衣人置我山陰道
照耀金碧妥兩兩拾瑩草豈有玉闌開燃燈漢春曉

清楚一聲閒夢幻影如掃

夜坐懷顧僧孺

纖月淡銀鈎寒雲顏不流
簾空聞吠豹樹禿立長虬
剖面風殊厲穿襟襲重裘
林鴉歎歎鳴帶夢飛還休
延佇望高城浮光搖水樓
念惟童子時此地吾釣遊
汗漫索歡娛日涉成綢繆
世閒人何速蕭蕭回白頭
青髭如玉卽寥閒不可求
舉策叩城門愴神驚西州

七言古

古歛王維華寫照歌

廿年吾友歛王郎眼光灼爍雙眉揚胸羅萬象難輸
寫唯將阿堵貌四方四方人貌百千億但遇王郎匿
不得豈獨好醜開生面兼之情性又胸臆瑯溪細絹
素屏風落筆驚矯如遊龍斲聖郢人支斧嘆滿堂兒
女笑生容王郎袖手還熱視我筆不言索象戲對壘
高呼豹眼張時吟西曲消吾醉憶余年少初生艷貌
得神來知數苛土木漸頽頭雪色至今見者不呼誰
去年淒淒徒壁立策蹇衝泥排闥入沽酒罄鱸話虱
雨回首寫照歲二十須臾雨霽風歇狂踏凍相携過

曲房長病維摩肌肉皺憐君置我天女傍是時坐客
人相面誤對暹呼驚目眩搥鼓吹簫謝王卽簷前白
雪飛紅茜王卽王卽聽吾歌世上如君人幾何待詔
羞匿終非達愷之嗽簾得甘多重逢今日君非晚却
較當年增繾綣向後相看更何如圖中面上應猶宛

雪夜集許叔顯第逢歌者葉翠竹賦

春風夜落梅花白東郭履底高一尺棹發山陰路欲
迷忽驚瑤圃翠如滴此君自是梅花侶凌霄綽約凌
巡起高陽酒徒興已狂看竹王猷亦來止回燈促坐

嘯咏開鮮貂換酒十千來感君風調揉沉醉不飲還
傾三百盃

悲吟

江南三月花如織爭擲千金買一刻何處聞花不看
來猶恐春歸覓不得江頭悻悻一衰翁盡日無言怨
東風但遇花枝不忍看但憑春去落花中人疑此翁
貧可憐春去不持買酒錢又道翁病無心力怕逢艷
冶三月天翁聞此語轉悽惻淚落羅衫盡血色但恨
不隨春色死何如老景春光逼少時頗解惜春情對

夜臨風賞酒傾秉燭還能游丙夜凭欄款候東方明
自從衰運丁陽九月在甲辰歲丁丑掌上瓊珠碎怨
沉斷腸那忍對楊柳荏苒含辛十一年幾度花開意
茫然強笑迎承堂上色何知夜半哭聲傳此時戊子
歲三月二十七日春光歇血液永乾女兄病夢隨蛺
蝶花同沒花同沒予心苦年年逢春淚如雨二十年
來傷春心誰料今年女變土是歲逢庚三月初月行
六日時在午淒淒切切望孃來孃不來分江花開隔
岸啼鶻聲聲血陌頭楊樹迎風哀風哀血盡無終畢

盡在三月三旬日莫道人生識見偏莫言人老心常
空但逢忌日那不悲一月四忌悲可知假如花柳知
翁意花應飛血柳成絲寄語花下不悲人莫負春光
勸酒卮

孤香吟

羅浮夢破千山月獨領春風飛香雪殷紅凝碧從作
奴却秉真心事孤潔一入祇園二十年藥爐經卷兩
悠然此土不妨徹肯冷逢人誰許占春先興來吟咏
開東閣肯向危垣嘆蕭索香肌無滓亦凡心一滴曹

溪淨洗却項脊先生絕代人為憐玉骨黑清真思歸
孤山已遠留標格照壁風香寒颯颯世長

聞阿昌吹簫作此歌呈沈雲甫

君不見罵座黃鬚張伯華吹簫伐鼓泛流霞管中餘
音猶嫋嫋一朝沉醉委落花君不見青髭年少瘦沈
約年未四十腰圍削紫篴聲絕青鳳杳千載風流慙
拋却我行見此心悲傷歲去年來幾斷腸神血乍衰
思陶黑嗚嗚咽咽誰家郎玉為截竹栗爲舂玉秦
羸不知處怪來清夜欲起舞暗引十年流水意阿昌

阿昌聽我歌人生為歡奈老何
嶰谷有才君記取鳳子鳳子問雲甫

贈施生

去年陌上尋花侶忽聽如簧鶯
細語萬調千辭邀得來花解飛茵
暫延佇柳眉婉轉似愁縈輕掠雙
鬟轉素眸秋水新波光蕩漾香風
冉冉撲茵浮此時百媚逼人私含
笑向君君安之見說夷光沉吳苑
將毋欲問君耶施君言少小習新
聲曲部相呼浪有名心戀玉恩不
忍別回頭無奈白雲生白雲孤起
玉山阿淚

濕彩衣恨轉多夢到淒江魂歆斷龍禽強語奈愁何
我聞此語心肝熱人間最苦生離別況是君情能戀
主忍聽枝上空啼血勸君強歌飲君酒啼笑兩難何
不有薄命紅顏古雖然吾生未免終陽九道逢悵律
李延年銀鐙鬪飛紫玉鞭一曲陽春堪同調為君不
惜傾十千十千美酒醉名花夜夜啼鳥吹落霞心事
如君應瀕展只今誰是魯朱家

石丈齋吟憶故司訓賀元朗作

莫過石丈齋莫吟石丈吟丈夫七尺撐山嶽礪何憊

蹇更嶸嶸一官自老苗苗下一塵自結玉山岑玉山

片石玲瓏絕洗馬坊前更清徹

石從衛文節洗馬坊來

巨靈揮

斧劈天開八面芙蓉花如雪照耀春風桃李枝不比
華表千年物賀監蕭散石心腸瘦骨稜層傲冰霜為
壇下拜冠纓斷丈丈相看意不忘人物會合古如此
雙龍信杳劍何方夜半黃鶴空翱翔莫吟石丈吟悲
傷黃金會盡山骨在丈子丈兮誰短長石丈吟莫傍
徨君不見鬱林太守墓邊石千載行人題古跡彷彿
齋頭清風起平泉之癖徒勞耳

悲西宅

泮水牆東片玉西魯靈顏圯暮烟低九朝無限傷心
淚七十遺民悲且啼憶昔皇祖辛閒翁慕悅詩書傍
澤宮手營二子傳經地抱影蒼晦西宅中皇初創業
少城郭八閩指點掛飛蓬飛蓬暗逐流水去兩岸桃
花映帶紅流水桃花幾歲華百年相守舊人家脩短
此生隨物化歌斯哭斯良可嗟眇予小子天不造為
有為亡焉是道惟甲寅子始降生西宅之西叶熊兆
是時島夷內訌七十萬殺氣憑陵疾如電予方在母

毋不憂但誓城破死即休宅邊有井泉其冽朝夕照
母營決絕小時嬉戲古井傍撫頂捉手聲鳴咽俛顏
視息七十年爺娘兄弟各背捐時吸一杯宅西水肺
腸清徹芬吾齒雨散星離不可收腐草飛螢冷光起
常怪人言是我宅俯仰興亡忽如此

洞山茶歌戲答王孟夙見寄

吳下烹茗說洞山幾人看眼開清閒山中傲吏曾相
識紫茸片片氣如蘭自入黃梅雨正肥忙呼博士解
春衣薨罌削玉彬壺紫松火鐺鳴蟹爪飛桑子有經

窮則變盧仝知味古已稀莫言世外交情淡喉舌相
安冥是非

憑姚生寫照櫝住為補松石圖作歌美之

張生七尺如土木瘦骨棱生立寒玉孤直羞將桃李
顏浮沉濁世負幽獨此心炯炯自耿耿百年自傲老
岩谷道子有筆不畫肉落落落雲松神已足秦霜漢雨
撼無心千尺老龍鱗甲綠下有流泉長茂神吾家千
里真不俗

八公禮懺

心絃天放靜者徒逃禪不受禪縛拘十年桑下四壁
蕪朗公孤紫步不渝揮毫落紙追風起明燈盡幾坐
枯株松聲颼颼但木偶似連根性離塵污蓮花在手
悟刹那恒生矯矯軼群駒總搖鞭影逐電驅赤手授
淵握玄珠硯硯豈效詩書儒修梵冥通梵行紆往往
遊戲畫作殊數竿直上青雲圖祇香襲襲照四隅為
谷踈秀貌墨癯登壇持梵魔鬼娛遍洒甘露只斯須
西空天機渾如愚夜擁一燈晝一爐閒閒入定浴冰
壺玄修韶齒白鳳雛西來折取一枝盧慎莫出口東

林呼

卧雪吟

當年愛雪不出山今日看山却掩關
囊頭蒙袂窺牕竹葉葉枝枝點髮斑
斑山陰乘興溪水急欲採黃精去
不還松下清齋誰澣是袁家偃卧白雲閒
白雲飛上黃金屋解貂貰酒相徵逐
東山携妓直百金東部之履尊吾足

紫萸歌

予既賦卧雪吟已夢入玉泉院
短後徒跣似

四五月間院中松檜交陰井泉湧出顧視壁
間刻有蘇子由紫萼賦石色玲徹如黑玉爛
爛照人文句奇奧道古類李長吉而行草法
如子瞻所書洋州三十詠未竟讀輒醒意思
恍然又作此歌又書一通遺玉泉主人胡古
時天啟三年癸亥臘月甲子春之九日也按
子由故有墨竹賦鐫紫萼夫乃是耶

雪霽花枝驚折竹布衾無暖愁伸縮忽到桃源催落
花松檜森疎旋噴玉回廊竚立墨夫容彷彿蛟龍字

字綠蕭瑟寒梢凝紫光彭城一派炫心目疑是初記
白玉樓又如遊戲洋州谷須臾茫昧失仙源飄亂六
花封葑屋安得十年修竹裏燐燐養幽情凍亦足

江上謠

江上濕鼓聲幽胡竹裏鳴鳩續續呼雲師黯慘從天
漏蛟龍晝攫五師符二麥如雲成爛草水底黃秧跡
如掃采綳銀榜排華筵戲擲雙鳬賭絕巧江邊老氓
泣且言汚邪一綫防涸旱楚俗遺風故不惡屈平憂
國焉妄作今年雅穗免波濤八蜡之神惟嚮索

曝書吟

空有先生理，筍腹絡繹秋。虫網萬族揮，手恐千造化。
和遲迴，却顧避傷觸。浸淫亦有苔，痕漬桂蠹未粉雲。
氣足沉吟，豈為身後謀。可惜半生伴幽獨，劉家有塚
土花青。白氏無田，寄輪軸名山孔。壁詎敢謀共爾，且
覆杯中綠。暑散雲消，風乍清。太陽皜皜光浮昱，呼兒
挈几列中庭，却笑阮生未免俗。

長歌四百二十八言壽朱永美七十

伊昔吾鄉壽，誼翁孤懸淳祐帝。理宗眼着勝國如旋

蓬高帝龍飛百十六賓筵旋折來趨風此時二子奉
杖立或臺或髦執禮恭宋朝衣服我朝酒骨青髓綠
顏花紅身歷三代十三帝光岳徧霸盛元氣君家願
壽有聲名彷彿周翁一百四興在致遠道不泥至今
哆口稱人瑞九葉崢嶸到先生文章炳煥仍簪纓一
揮出牧領專城和風嘯拂泗水清民謠五袴達帝京
春堂晝永時鳴琴岱宗崔嵬列前楹俯窺日觀聞鷄
鳴大夫青松嵌石壁蛟龍挈攬漢朝栢冰霜傲骨松
栢心安能摧眉折腰待權客歸去來兮玉山陽西城

置買謝眺宅雙扉照水畫常閑魚鳥親人狎且閒披
衣聞然時登距婆婆萬卷看青山明月搖空光蕙蕭
春風蕩漾送香蘭興酣絕叫呼紅友松濤花影零牕
牖白眼傲睨萬事輕金谷銅駝皆芻狗長安棊局我
何有小時遊釣兩三人一醉逍遙大地春左拍洪厓
右方朔翁乎莫負賞花辰古來稀有亦尋常海上三
山事渺漭但比周翁家順壽即今七十猶兒郎飲君
酒為君歌玉山片石亦差裁靖節歸來真吏隱吾亦
烟波張志和

長句十韻奉贈張士登六十

夫君小築臨河渚萬卷圖書叢竹裡又有門前舊垂楊風流裊裊嬈前美七月八日天氣涼網得鱸魚同

尊煑

季鷹

吾家駿骨故有餘百年焯赫今吾子身窺三

象手青史搬涉風雲能輕舉搢宅已操造化權抱影吾廬如處女感時吐氣雙眼白尊足何曾躡朱履一

生醞真亦不惜自言先德常如此贈君避世金門客

君意累核栽桃李憶否當年興漢公

島侯

赤松結伴遊

栩栩

紫芝歌奉壽八十一翁任傳川長兄先生

我聞漢帝甘泉宮齋房生芝時年豐天子臨軒喜動
容嵩呼正與獲麟同又聞太丘建芝閣不媚祥符自
行樂是時採芝緣狙杙作記荆公色意愕神奇之產
不長有百年鍾秀神呵守大者漢宋瑞朝廷寒士發
祥生戶牖戶牖奇特閭里聞清天白日吐卿雲紫莖
金片氣氤氲半壁珠霞映夕曛鳳領九雛鸞鶴群蒼
松偃蓋水沄沄虛室生白蘭蔚芬翁也不伐亦不矜
呼兒攤書賞奇文一堂雖雖金石鑑芝亦感激媚主

君主老時年八十一學問詩書方日益手植青松大
十圍逍遙舒笑好顏色手不捉杖躬不俯不羨神僊
不餌木生平善飯常起早孳孳對德寬懷抱捧腹自
言中有芝陰陽回薄不知老床頭酒熟抱甕來與爾
提甕拾瑶草

竹簾歌酬支彙昭見致

豆花乾落螢乾死壯士無帷錐蝟起沾席何曾合眼
來憶君夏簾如秋水秋水淪連明月光輕紈細綺竹
風涼夢入廣寒濯桂魄不知秋漏報更長

崇禎庚午仲夏會飲朱仲奇齋中天心澄碧驟
雨猝至有二龍戲雲中頭角可見柳生呼予
述其狀甚悉為賦龍吟一章

碧日杲杲天歆空晴光忽放苑花紅
齒若寶璣吐奇峰美人已歌曲未終
雲氣飄飄起蜃宮長楊拂地鳴條風
中有鱗甲戲游龍頭角天矯西復東
滂沱雨思歌吹濛濛堂錯愕歡呼同
雨暘時若乃如此飛燕輕身亦翔舞
一笑相憐城欲傾城邊綠雲綠如許

廣陵歌

廣陵樓殿壓青雲，絲管喧闐日日聞。
瓊臺花照竹西路，瓊枝爛熳紅欲焚。
桑麻處處沾春雨，四郊酣舞宵向分。
錦宮春色挾江來，二十四橋明月開。
天人召對江都策，百城封拜廣寒客。
虬排衙文雉馴飛鳧，歷亂江陽陌。
仙郎乘興漫行歌，江頭歡擁謝安屐。
屏山堂下廣陵濤，濤飛八月接雲霄。
蜀錦高張閭闔城，紫鳳啣書朝玉京。
製就五雲百尺線，六月高寒冰雪生。
君不見昔日呂公雲山閣，淮海扁舟恣歡劇。
秋高燕雀賀新成，台星炯炯懸碧落。

五言律

村宿

小築臨清渚。回旒接大江。月明閑野麥。雁落吠村厓。
花氣吹殘燭。閒雲入小窓。嬌啼穿徑去。秋燕語嗶嗶。
春日招王世周郊行

風靜日澄和。閑閑鳥試歌。青枝初著眼。綠水欲生波。
沙潤眠鷗穩。衣輕游女多。春光郊外好。遲爾一相過。
野望

水涵知春淺。林疎見鳥多。老翁携杖出。稚子牧牛歌。

江網分鮮鱗。村籬晒短簑。低回安步晚落日。逗山阿。

小樓懷張薜如美

暗想當年事。小樓共曉鍾。燈殘明欲滅。神醉醒還慵。青髻憐相付。紅顏惜暮容。淒其風雨夜。花影暗重重。

人日集許仲嘉第

人日招同好。春陰亦可人。飲情逢雨劇。老興對花新。自覺年遲暮。轉思交淡親。風光莫浪擲。更酌兩三巡。

日暮望青邱

片石憐孤寂。悠然慰兩思。隔溪遙望好。憑檻細看奇。

千頃雲來合。一輪月上遲。扣舷歌沒止。無奈冷風吹。
夷亭小步

見月難消遣。相携上水頭。白波搖古岸。翠影亂春流。
草軟欣忘屐。花翻驚欲秋。夷亭不可見。鴻雁滿沙洲。
青丘早步

散髮青丘步。僧堂寂未開。暗雲迷石磴。零露濕蒼苔。
鳥夢穿藤坐。晨光隔澗來。須臾紅日上。致爽獨徘徊。
丁巳秋再過大樹齋題壁

熟視空齋久。循堦坐夕陰。故人隨蝶夢。老樹慣秋吟。

恍惚三生事還餘千載心
低回暝色裡清磬起前林
除夕寄祠

嘗愁卒歲事今夕已稱除
暫息催租吏誰將遊子書
思家兒自慣代老我何如
悵望江汀雁斜行過草廬
哭賀元朗司訓

世道已交喪天胡阨此人
一官何遜冷半歲鄭虔貧
種竹寧為主栽桃不及春
平生銑石性臨化肯沉淪
蚤黃

一粟黃金綻千林白露香
乍飄楚客思已濯素娥粧

高葉棲清影。低枝亞晚涼。砧聲中夜發。應是對花忙。
朝

一鵲噪群動。居人靜。故扉秋雪自來去。清旭淡光輝。
山木含霜瘦。江蓴帶雨肥。此時塵念盡。直可想皇羲。
秋海棠

秋色堪腸斷。海棠更可憐。輕紗映紅玉。長袖拂朱絃。
遇雨光疑滴。翻風舞欲仙。誰能幽谷裏。獨藉彩雲眠。
遣懷三首

浮翳渾銷脫。秋陽轉積陰。風回搖菊影。日晏吐葵心。

剥栗調青鳥。燒香彈素琴。不禁頭髮癢。脫帽更抽簪。

其二

秋高庭際路。獨立小徘徊。白鶴騎雲去。蒼鷹側翅來。顏垣吟蟋蟀。敗砌長蒿萊。惟有千年杞。蒼煙滿暗苔。

其三

宅荒少隙地。隨意植嘉蔬。弱女堪供帚。老夫自把鋤。敢辭抱甕拙。未覺灌園疎。學圃何容易。長吁我不如。

集許叔顯第觀菊

杯巡飲勝後。燈影入花初。欣賞寒香細。歡娛禮法疎。

乾坤容咲傲良夜宵躊躇醉問東籬老何人學隱
絃歌贈載秩卿徐仲先二俠文

絲竹堪陶寫逢君信有之春來多雨霰坐久解吾願
但識自然妙無勞漸近詞持盃聽不極深夜渾相思
就季季鷹夜飲

賞酒招同好啣盃渾聖賢引人能自遠得歲但從先
帝柱風流春年光雲物淹忽看星月皎應是為春憐
月

片月籠寒明輕冰積水生半窓愁欲動一枕夢難成

影入梅花瘦。風飄笛韻清。夜深羅襪步。兩兩試春城。

題龔元俊城西宅

丘壑尋常有。岩居此地深。古垣藏小築。老檜借高陰。
安節祠徑側幽篁入。城荒落照臨。甯然人境絕。谷口
發長吟。

登皆可樓呈繩伯

忽憶登樓賦。欣逢王仲宣。雲光分戶映。鳥語貼窓圓。
絕壁閒今古。孤松沸管絃。惟將皆可意。對景豁塵緣。

禪家對
景現心

南山

東風融土脈。萬彙動勾萌。鳥雀窺沙暖。魚龍識水生。
未舒柳眼困。已覺馬啼輕。回首南山暮。歸樵趁晚程。

詠水仙花

綽約誰能似。黃冠月下歸。步虛謠玉珮。照水拂羅衣。
雲臥來神女。江遊伴洛妃。霸均不解事。騷譜有遺輝。
依東山草堂壁韻贈顧長佩

誰識長康性。偏依水竹居。風清三徑草。雲卧一床書。
明德懷先哲。隨時植野蔬。石梅堪漱齒。寒影落庭除。

登山

晴色確遊興。雲開萬里暉。青天峰外豁。綠樹望中圍。
矯動招紅袖。松呼蒼翠微。杖藜依石磴。細細數漁磯。

春盡

春色今朝盡。愁看物候新。藤花拂紫浪。櫻實點朱唇。
樹暗鶯啼滿。巢深燕語親。黃昏容易曉。莫厭酒盃頻。

八月廿八日夜夢入公亮故宅與數客對飲西
向者杜子美工部蒼面碩膚頗作青眼相視
顧視屏障間有飛閣樓簾圖畫裡虛無尺少

對瀟湘之句俄聞喧呼聲意公亮且還洒然
昔昔風氣也既覺潛然久之作此詩殊不盡
懷

回首傷心地無端入夢愁
閑樓既飛燕楚榭已荒丘
浩氣難消殞英風尚可求
屏山障子在佳句欲相伴
東城小梅樹

幽尋何所見城下小梅花
欽立愁攀折低開傲歲華
雪飛連徑合雨打逐溪斜
平生銑石意對此使心嗟
九月望日集遺清堂分得狂字二首

誰家許數去。笑傲任清狂。明月容知己。落英對晚觴。
如何光滿夜。空嘆露華香。世事無勞問。憐才意不忘。

其二

但掃瑤臺月。偏容老更狂。浩歌三百首。痛飲十千觴。
柳子勞天對。荀家函座香。高山如在眼。景仰詎能忘。
秋盡歸庵對菊分葉字

秋老籬花綻。歡頻屐齒深入門。誰把臂列坐已成林。
小羽拉煙逝。寒蛩帶雨吟。不禁流水意。欲撫伯牙琴。
布衣奉謝李本寧先生見致

誰識論文素紆靡未許真郢中飛白雪大地蕩陽春
未奉龍門御偏憐范叔貧授衣當九月無數詎能陳

詠懷

早起看雲物晴光入戶重家人齋靜默過客語從容
報國愁年儉扶衰仗酒濃酣歌興未極安步更攜筇

雷敷民小酌

長樂朝歌與相尋片玉東軟炊香稻白細酌小槽紅
五岳憑君屐千秣託冥鴻趙張乘興意

趙瞻雲
張銘盤一曲

聆春風

贈青溪張孚倩敘還

燕地飛霜日。鄒陽遇赦初。豈龍埋未得。楚璞價何如。
天道憑君問。人情見爾舒。十年清夢裡。著得幾篇書。

卽事

春工多變態。十日半陰晴。雨洗梅鬚濕。風吹柳眼明。
夢回驚夜短。坐久覺寒輕。不盡幽閒思。頻將杯酒傾。

孤香館懷梵公寫竹

山陰一夜雪。正想發孤香。佛火明龍像。空林蔭竹床。
風吟清楚遠。鳥送夕陽忙。礧礧成何事。龍孫影許長。

春雨懷歸庵呈卿玉兄笑正

壁人棲逸處。新雨濕蒼苔。詩律憑君細。春懷得好開。
焚香臨逸少。作賦想天台。我意隨年減。還憑揚馬才。

哀徐汝庶

允祿

文章阻七命。念爾更酸辛。白髮銷盃酒。丹心老鷄巾。
騷人哀怨絕。才子竈流頻。何處徐卿墓。含情拭劍塵。

花朝曉起

萬里開清幕。嵐光接水明。花逢生日暖。風向信中輕。
人事愁回首。天公許放情。提携謀汎掃。安步聽啼鶯。

新蟬

昨日遼沙浦。今朝試草堂。薰風吹不住。高柳韵初揚。
琴理何由得。天機已是忙。炎蒸三伏苦。未許恣清狂。

朱子魚携家堤上有贈

望雲高興發。故國舞斑衣。片玉生春色。長堤足詠歸。
酒盃寬處好。文藻解人稀。謝眺青山近。從君數款扉。

四韻

曲罷風泠泠。鳥知味轉深。兩翁口作譜。吾子筆如心。

頓使草堂夜似鼓伯牙琴往來成四老何處不關襟
碩道民自海虞過草堂述事有感

涕淚揮不盡逢君更自憐已無娛耳地盡是別離天
世道誠如此吾生寧久延無兒計亦得何處好安禪
夏士琰寢疾作詩問之

何急能縈縈相思過往年展翼已踈豁老友貴周旋
足蹇行難到眼昏識不全中書君未禿聊借作郵傳
辭歸庵酌呈同社諸子

數奉歸庵酌看雲先老夫如何心力減自覺性情殊

河朔方轟飲。牆東只自娛。倦來拋卷睡。此意待知無。
一東子載

草沒荒三徑。絳旬不出門。身閒未有卧。眼暗即成昏。
魂夢多親故。衰殘少見存。君應勤碁局。近日與誰論。
王公好奕多與髮青
若對壘安方有疾

懷沈聲遠卧病

與君不數見。同病更多愁。咫尺天涯隔。須眉兩地秋。
屋梁自落月。故國各登樓。歡識相思意。停吟回白頭。
即事奉酬戴孟千王仲安見過

空舍冷于秋。何心謀杖頭。故人遙見憶。伐木慰相求。
小雨淹留客。庭花爛熳浮。知予不稱意。未許弄漁舟。
杜子美詩看弄
漁舟銷白日

錢山民見尋

客到思茗椀。松風鐙底長。與君同水癖。暫爾納荷香。
世亂山林靜。吾衰賓主忘。可憐陶永夕。酒債漫相償。

夢

六月十三日

彷彿平原酌。不知誰主賓。深觥勸野老。大斂醉芳辰。
因想何由得鬚眉。可具陳。林鶯低喚處。猶自討江蓠。

雨餘

溽暑消不極濃陰氣已殘
數花秋葉綻散帙小牕寬
語燕愁新社孤砧動早寒
頭絲亦乘興渾雪欲鷗看
聽夏士琰論奕

從此頗深隱與君對席談
竹風敲客坐松子落秋潭
但決東山賭何妨常勢然以常勢耳更聞高手
淺夏云妙手必淺低與多高並高者自揣力猶堪

九月遣懷

盡日淹留坐山風入戶來
驚吹蓬鬢短愁睹菊花開

蕭瑟悲庭樹。哀鳴聽雁迴。鍾期後已杳。莫上最高臺。
對雪

豈無東郭履。衰絨復何如。近市慵觀物。垂簾仍隱居。
杯邀沙海月。雪映古人書。莫道童心盡。偷閒意有餘。
小憩玉泉院與徐道士飯訖而別

足蹇空山裡。威遲意不前。洞開青玉案。雲鎖蔚藍天。
白酒春初熟。黃梁午正便。為君一飽罷。鳥語不成眠。
丙寅元日

慵起酬春事。攢眉謝故人。頭絲欺雪亂。手顫與年新。

栢葉休隨酒挑符不去塵孤孫間侍立惋惋欲傷神

其二

尚有蘭苔天東風寵欲華似驚春谷暖早放國香花
聊此慰遲暮吾生故有涯貪看雲物麗浮翳莫相遮
奉送蕭廷獻侍行瀘溪

欲折梅花贈低回更把看相思從此始征路尚春寒
絳帳連雲迥瀘溪帶閩寬庭趨話子過努力願加餐
題牆東梅花

一樹垂垂雪先春看幾回非關向暖故為有信風催

對月憐孤影。倚牆傍賦才。廣平鉄石意。偏壓曉寒開。
月

萬里清暉發。綠煙散九臯。夜深明画戟。林靜見秋毫。
虛室暗生白。衆星光已逝。衰慵何所睹。想像故山高。

題楊妃梅

楊妃標格好。獨樹自成林。香額粧羞晚。斜枝態愈深。
婆娑疑顧影。綽約轉開襟。未許饒春睡。沉吟醉客心。
送許文舉省工部揚州時有弟玉舉之戚

原上鷁飛絕。懷人動遠征。還將甘旨意。強忍笑啼情。

春水添愁重。花風載夢輕。馬嘶瓜步口。想像到江城。
袁無涯見尋

流光何倏忽。憶別已冬春。豈但風煙隔。重來鬢髮新。
始花梅已落。浮食鳥還馴。十尺貧交地。猶堪醉幾巡。

殘梅

雪深埋瘦骨。香暖識寒枝。斜日光欺眼。微風粉壓眉。
房空處士夢。閣冷水曹詩。倚玉憑清遣。飄零說向誰。
登鹿城

尋古登鹿城。澹然發幽情。仙人不可見。雲水迥分明。

嘯傲逢遺老

仁傳川王隆甫王晉之

班荆看遠征悠悠送春日

回首暮雲橫

宿西關不寐二首

白髮強行役終愁夜沈寥孤吟倍客夢獨坐聽春潮
隴上空殘月壕邊靜板橋長風飄鼓吹輾爾亦逍遙

其二

數點迴風雨瀼瀼蓬底鳴舟師暗理楫閩吏急乘城
擊柝宵然罷東方啟半明吳歌相戲荅幾處計程行

割摘

自詫非時物。春深剖橘嘗。隔寒留水味。閱歲妙行藏。
境入虎頭蔗。光分漢殿香。相携憐夢渴。彷彿對瀟湘。

雨夜泊吞月橋夢採桂

夜雨春波響。截舟吞月橋。弱雲暗狼藉。老桂恣飄颻。
帶夢杳魂遠。簪巾秋色驕。途窮天所益。神理故相招。

出關

七十勤諏訪。雞鳴尚渡關。旌竿懸曉日。粉署對青山。
稍喜風波靜。遙看花柳間。啼鶯娛客耳。水澁不知艱。

上巳日

煙雨濛江渚。悠然洛水開。落花奔浪去。急羽退風迴。
對酒尚懷古。招賢愧非才。使傷頭領白。歌倒有遺哀。

哭何季穆允泓

時謂楊大鴻罪魏瑞疏
係季穆視草詩指吳

浩蕩撐空骨。天崩柰若何。文章彩筆健。意氣白虹多。
冥漠愁難問。風流不可磨。知君千載意。血淚洒藤蘿。

晤顧仲恭

憐君在原恨。聞問愧經春。君自憂巢覆。吾還愛美人。
持危心最苦。閱世局長新。但保青松節。何愁未得鄰。
晤錢受之唐事

古來賢達士。白屋即深山。慷慨豈忘世。殘光學閉關。
談言花木笑。杯酌世情閑。珍重清和候。相携五丈間。

寒食

春事催遲暮。今朝又禁烟。霏微沙雨濕。慘淡落花鮮。
野哭連郊陌。悲風動旻天。何辜老眼淚。迸血對啼鵑。

清明日上荒壠

千家動野哭。吾亦走西原。白髮與年盡。青松閱世存。
自憐唯隻影。羅立只孤孫。指示川原異。默然傷老魂。
晏張冲善宅懷其弟卿玉客遊白下

誰家能數遇張仲酒盃寬春日吟情發更闌月色寒
看雲思雁遠投轄惜花殘何處金陵子愁絕落星灘
昔有預仲從之戚兼
借謫仙事紀之

炆夜

丙寅七月十三日

海上綠烟發嬋娟此夕回長空幾萬里桂樹一輪開
木落虛堂迥霜清白雁來不知寂立久松影拂蒼苔

九日

金風應候至乘興一登樓日色含烟淡嵐光挾雨秋
吳山空在望籬菊尚漣漣愁問明年健啣盃聊白頭

哭沈湛源老師

不及憑棺慟。空餘照影堂。生存談笑處。寂寞水雲鄉。
清淚沾眉睫。愁思結胃腸。天風吹浩蕩。獨鶴恣翱翔。

曉霧

萬里空濛雨。如行罨畫溪。枕邊徒響棹。日出自鳴雞。
遊子終殘夢。舟人觸古堤。祇愁風力緊。統續思淒淒。
丙寅九月二十八日夜舟泊丹陽河下。輾轉不寐。忽憶隆慶癸酉七月予年二十將過句曲。謁司理龍公。負袁氏小舟夜宿于此。頃明當

數曉風殘月間。衰色意甚憐。潛然泣下老僕。
陳表為予言之。向後遂不復見。哀今予白首。
念往來碌碌何所。得即衰在當亦。睹如不減。
予望八笑。白香山詩曰。若掌多情尋往事人。
生何處不傷神。當索何歌。枕漫成四韻。

往事難回首。丹陽旅泊初。馬嘶殘月淺。夢破曉風疎。
臨睨人安在。捫心意有餘。傷神千載淚。何處覓前魚。

阻渡

十月南風勁。東歸信轉賒。沙汀搖宿鷺。天際舞神鴉。

空語乘潮發。閒看返照斜。三山仍在望。愁絕暮雲遮。

一雨泊

細雨濕寒樹。黃花屯不開。打頭風力減。入幔月光來。刻燭消長漏。遲眠覓小杯。江湖興未已。頻寄雁南迴。

張浦

張浦不可問。茫茫接夜臺。縱言復何補。轉盼更生哀。孤兔縱橫入。松楸歷亂栽。傷心吾獨苦。瘡塌沒蒿萊。

倪伯遠克葵作此詩以美二張

神善和

蕭散倪元鎮。高山在上頭。前岡松檜合。曲澗水雲浮。

義重懸坟創風清來麥舟要離塚可傍梁孟自悠悠

丙寅嘉平月十九日重裝東坡先生画像

是處容安地聊存身外身嘉平幻磨蝎運炬照精神
知是龍眠手驚看元祐人隨僧一餐罷莞爾話長春

自做臘月二十四日

老避不擇地容易到人家未便言詞拙偶驚禮意賒
閒雲隨出處野鹿任穿崖何用傷心曲悠然玩物華

張參政奔訃還代面

驛路輶車發星馳不及炊帷室唯有月歲盡豈知時

是處號風木。還家泣素絲。揚名千載事。猶恨望雲斯。
一對雨遣春

積雨芳林鏹。雲光自往還。殢遊重蠟燭。把酒已開顏。
坐惜三分減。壇空七子班。婆娑雙鬢雪。春事許追攀。

其二

招尋兩獨好。春色滿玄闥。嫩綠催金線。輕螺洗碧山。
掠烟小鳥疾。歸岫濕雲閒。不盡淹留興。相携秉燭還。
依韵戲和為谷在杭州賦得春溪問渡詩

為問錢塘渡。潮生日已斜。逢人曾折柳。洗鉢正飛花。

去去憐新月行行踏古沙
煙深明佛火指點是吾家
已已初度依韻奉酬聽庵見存之什

屋小遮荷蓋居然坐綠天
絲情付好鳥高興憶先賢
喜接驚人句終慚有髮禪
荒庭肯藉草欲喚打魚舡
凌朝出閨

趁月驚涼颺雞鳴渡早閨
荷衣沾露濕團扇坐螢閒
雲氣迷千岫晨光散四山
遙知大火落秋爽合應還
五言排律

閒行

城西每日去自許學多情倚石看雲起觀魚識水生
草鮮宿雨色鶯喚去年聲灼灼桃腮綻垂垂柳眼明
路回鍾磬香風急紙鷁鳴疊浪神工幻甲寅歲疊浪石忽有斧痕
栽花傲吏清張黃門手植花過溪僧策語聞笛淨縱橫幽澗
憐分手琢甫相送仙居憶老成案一允宗大曾為仙居令偶与琢甫語其事
故人把臂晚還照落紅輕明日還乘興相期共此程

辭友人晏

高晏來群玉清歌集少年感茲氣類閭已慣酒杯傳
花鼓繩繩節奇香片片烟鮮新觴政劇脫畧笑談偏

點綴宜寬博，談諧接太賢。不因司馬渴，應刺李鷹旌。
楚菊飄芬遠，湘蓴得味全。銅花亂星月，玉笛徹鈞天。
魯鳥悲殊寵，駑駘策不前。偃倭謝使者，良夜正綿綿。

贈表兄李善叔三十三韵

為問垂髫事相看，真弟兄寒門。占宅相宗老，羨賢甥。

宗老吾宗
皇叔名相蚤慧文章健，天機眉眼清。情多能繾綣，氣

爽任屯亨。列戟門輝大，祖中丞
公憲卿思徂簪笏盈。父太僕
丞廷節

連雲排甲帳，充棟勒彛銘。夙尚敦儒素，虛心接友朋。

成均高弟子，說易魯諸生。境異發高興，眼清識舊京。

九衢觀燈火十廟肅豪英走馬秦淮窄談兵宿衛驚
板橋催急管桃葉醉花筍洒翰彭城派諧詼曼倩情
荷亭張水戲牛首想神丁跌宕鬚眉換交歡寵悞生
蹉跎淹日月禮磴薄功名燕趙瞻雲杳嵩高望岳撐
歸來理故帳老去罷前征室有齊眉婦床森繞膝嬰
相如忘滌器陸羽自烹茗動局看神勢揮鋤學耦耕
能開連夜夢多種合歡莖花蝶隨衣舞彩鸞照鏡明
細心隨物態投鼻忍縱橫短髮蒙頭冷青衫信步輕
海鷗詎可狎霧豹誰能撝自識尊生貴還愁金鉄鏗

登埤占氣象側耳聽笳鳴勇壯誰能比吁嗟多不平
每思泛瀚海大笑請長纓垂老憐多事遠懷恨短檠
滄桑隨地有枕被何時傾遲爾楓林下浩歌西鹿城

同季弘看月

泰運占民庶人情愛月明穿街唯簫鼓入市但縱橫
生齒填窮巷歌謠述舊經小兒雙拍手屠釣亦垂纓
勝事牽先輩朋從集後生扶携面嚶嚶微逐長驕盈
吾道方羈束今宵得友朋烏棲飛不定兔走脫如驚
自詫承天夜遙憐邊塞情犬戎窺北斗烽火照東征

不學劉琨嘯應聞元濟擒中官軼唐漢

王經畧寵威

名魚馳驛逢元老宣麻諭省卿揮戈煥惑退舉皓有
年成天意動周祐余懷願息兵把衣知露重携手出
漿輕未覺風流絕還堪步履歛為君持醇酎隨意撥
花筍白髮吾堪老丹書與爾傾莫愁天上月且盡掌
中觥影落樓臺靜林空毛髮清酸風射眸子列成倚
高城歎問今何夕朱霞撼海生

立冬

流光何苒苒今日已初冬颼吼楓添赤霜空菊倍容

魚龍愁夜寂

魚龍以冬為寂

初

鴻雁渡關重短髮千莖細重

心萬事慵祇憐生計拙更怯世情濃蠻觸虛爭長春

秋故轉蓬幾回黃葉舞已見雪花逢滿眼乘除暗令

人馬道從

觀菊得堦字呈許仲嘉笈

高席張花幕光搖雲母屏影來疑鴈照風動乍翻星

醅時寒初綠新柑摘帶青談言飛却雪酬勸接原鴿

金谷春長住黃州辦未零相看多氣象豈恨獨伶俜

千夜籌方永驪歌醉易醒明朝風日好騎馬出郊祠

七言律

殘梅

撲簾白雪點春衣。便有黃蜂側翅飛。
樹裏叮咚清梵遠。香餘馥郁夢魂微。
猶堪數日同消遣。未許今宵已賦歸。
柳外半環應憶汝。低眉憑檻照清暉。

經僧孺故居

誰能忍慟過西州。況是春江欲盡頭。
岸柳又搖今歲綠。野塘仍浴舊時鷗。
衡門曲巷渾如昨。文雅風流未許傳。
衰老經由多涕淚。橋東回首更淹留。

望盧氏故園

故園在兵部職方司外郎盧公櫟字永伯先師婦異母弟也園在小溪瀟

百年廢苑舊知名春水塘邊草又生檻外紫薇依斷

石

園有紫薇堂花時修畝許今半萎

眼中朱棟尚連楹臺池失主應

遷改猿兔無人亦恣橫野老向予閒指點寒泉悲咽
淚盈盈

春月

晴光澹宕趁花朝畫日淹留伴寂寥正欲舉杯尋月
窟恰逢飛兔下雲霄萬里寒芒花自笑一簾秋水影
生潮江湖漫興容衰朽何處鷺筍襍鳳簫

晴

無賴淹綿一夜雨。便愁春半洗粧室。醒來啼鳥催人
醉。添得林花幾樹紅。護惜新枝唯有日。遮欄嫩葉更
無風。細推物理商量意。畝與遊人樂未窮。

寒食二首

去年寒食醉村墟。寒食今年嘆索居。抱病難禁藥蜜
穴。含愁但檢越人書。歌吹里巷憑徵逐。桃李郊原任
發舒。惆悵良辰容易過。不堪回首憶當初。

其二

草舍無燈局不開。野烟漠漠暗蒼苔。遙憐桂蠹先如
許。先一日月蝕。不恨春風煖。參差楊柳折來時。雪杜鵑
啼。慶使心灰。年來萬事都成夢。一任諸緣並入來。

哭顧宮諭升伯

玉堂金馬舊風流。回首滄桑海一漚。去住何人不逆
旅。悲愉偶爾搃虛舟。平生半部肝腸熱。匣裏雙龍神
鬼愁。此去成仙君莫問。玉峰高峙水悠悠。

病中二首

蚤見孤雲點太清。盆花乾落瓣縱橫。仍披短葛愁風

暗欲脫紗巾為耳鳴。歲月荒涼掩此物。人情導還付
吾生。病來盡訝衰翁瘦。喘喘支床憶念輕。

其二

夏簾平鋪玉井冰。茅堂暫喜捲炎蒸。孤孫問字憑消
遣。舍侄揮毫抵友朋。

士美載筆草堂慰達本寂

野外菱歌幾處發

朝廷黨論到今仍

時排南黨至一百七十三人

更愁廉幹終遭蹶

皖州二守被論強欲加餐還不能

奉寄劉蘊老江上閒居

金焦風物近何如。聞道先生學隱居。八月清潮多濟

涉公有典饋歲收其三沙業就更難書時晉三雲窺

几案青山曉視滿庭除紫氣紆難老于今誰比似無

須藥裹送居諸公近有疾

自慙呈任傳川咲正兼示雲林弟士美侄

老景相看得捷在其餘荒穢更何論但聞此語諸緣

冷自荷皇天一物存晚吟高適知無分高常侍五獨

立杜陵尚有軒杜子美詩身似羅無慚負好風能

自至連床嘯咏樂吾畢

哭龔季弘

莫逆相看十一年。就中幾度惜離顏。饒君俠骨常干

里。

公常扶其叔登仕郎。攬于定番州。又望張金吾為然。愍公上書長安。甲子又客昌化。

老我橫

經。每一瓊聚。樂敢忘訪古興。題愁偏愛折花箋。雲間

白鶴翻風遠。何處陶陶欵下泉。

侯豫瞻枉駕草堂別後詠懷之作

荒庭草沒半苔封。隔斷紅塵知幾重。飛蓋從天魚鳥

亂。荷鋤開徑露花濃。息機自許還遊衍。論世逢君懶

懶慵。珍重故人與久語。閑門寂寂撫孤松。

乘舟

豪情未忍息交游。閒訪時。乘不繫舟。去事變遷。送旅
在同人。獨落一身留。偶看山色驚秋晚。回首楓林聽
葉愁。乘雁隨陽。沙際落哀鳴。各有稻梁謀。

採菊

短籬稠疊數枝花。自傲重陽放紫霞。霜曉半開香細
細。秋燈初試影斜斜。悠然偶識陶潛興。滿把難禁白
賦嗟。便欲採將羞髻雪。輕黃淺白一從遮。

不寐

已忘春夢是何年。安樂誰知有後天。見暗無頭曾合

眼聞雷不斷，爲無眠。遊思牽惹，非關習。隔壁轟騰，渾欲仙。可惜生平少遇，故聊將內景作因緣。

夜醉李隆甫宅賦贈袁媚娘

紅燭清歌飛羽商。燈前一見意飄揚。風香柳下金陵子，月艷花邊王四娘。敢道憐才時酩酊，却因喜客任清狂。漏沉扶醉催籌急，步步相憐帶雨粧。

別時微雨

小除夕

蕭條人事使心愁。短晷陰陽任去留。却訝鳥啼何滑滑，始知葭管漫悠悠。明朝一綫添殘景，此夕三杯尚

百憂流俗小陰亦有意未除生死許誰休

除夕晚眺

衰年筋力強扶携步步傷心似別離出霧顏陽終淡
泊紫烟寒水太離迷荒江爭渡歸樵急穴樹呼風倦
鳥低極目千村愁寂裏空餘田火照春泥

奉辭諸公枉駕草堂之作

非閑傷悼只幽居自覺心情不似初再拜強扶筋力
倦三絨難忍世情疎亦知閭里紛迎送願托雲烟信
卷舒春事方華公等在麟麟車過莫題書

楞伽山亭子小立

為乘春興一登山。冉冉流雲任往還。湖上有亭高百尺。鏡中飛鷺點孤灣。漫思今古何人在。如此江山盡日閒。便欲乞靈尋地主。長携竹杖亦開顏。

邊捷

將軍羽檄夜驕馳。見說火攻虜不支。蒼鵠擊顰何造次。韓盧逐兔肯威遲。天驕竄伏終無賴。鐵騎憑陵勝有期。與報呼延須努力。燕然早晚勒銘碑。

哭社友王開美約客死長安

黃金臺上恣遨遊。燕客誰將駿骨收。血迸牡鴝萬里

恨。夢迴蝴蝶五更秋。

六月四日予夢世月先生坐一木榻上色意大愴長歎罷去

數四旦起曾為任弘濟陳繩伯言之相與俱開笑莫別五月六日京師每故幾屋揚沙人高聲死萬萬乃

不幸以七日病歿騷壇寂寞誰雄長故國傷心漫好又七日而死哀哉

述吾已衰慵多涕淚。忍今到處過西州。

距仲夜之死緣二月

題金陵仙子巷王氏影樓依張卿玉韻

天機變現

碎

虛空。太池棹來一檻中。倒景玲瓏常浸

月。方壺偃蹇欲凌風。吹簫王子看無盡。泛月張騫路

已通。吾願夢游殊未便。夕陽西照大江紅。

戲憑宋輔卿謝文舉柳招之酌

嘿嘿含愁謝柳孌還憑宋玉賦高唐緩歌水調冰漿
碧漫舞梨花夏簾涼病渴幾年消未得閒情何處興
偏長風流玄度應知賞月下樽吹更幾觴

元日懷孝若山庄兼寄安淳守淳省視

曉色蒼蒼拂曙開東風消息傍山來我家近市無啼
鳥爾室緣崖好折梅為酌板杯遙憶汝欵裁花勝且
低回天涯姑侄應相語白髮今朝莫浪催

詩挽興安守麟陽周公

諱玄昭字李瑩

興守風猷鎮帝京晚時誇卷傲平生赤城霞起知杓

宿物令貴竹輸將調土兵再後間扼鰲憑隴坂靖再

賊流身勞靡監孝思傾公死閩南道奉母遺訓也吾鄉節操今尤勁

獨抱遺經世主盟公大父太僕翁名復俊富有學術

寒食登翠閣醉後貽柳燕兼索和天授昆仲

春山尋伴趣衣單紫燕翻飛闕羽翰老遇聖朝但

取醉令逢冷節不知寒香風細々迎花軟綵騎翻

試馬盤南國佳人亦倦繡是日柳送繡幃到提攜歌

笑酒盃寬